

IV sastanak Pododbora za ekonomska i finansijska pitanja i statistiku EU – BiH

Brisel 19-20. novembar – održan je IV sastanak Pododbora za ekonomska i finansijska pitanja i statistiku između Evropske Unije i Bosne i Hercegovine u okviru Sporazuma o stabilizaciji i pridruživanju. Ispred Ureda za reviziju institucija u FBiH prisustvovao je Dragan Kolobarić, zamjenik generalnog revizora.

Na sastanku su razmotrena ekonomska dešavanja u EU i BiH te pitanja vezana za makroekonomsku stabilnost, fiskalnu politiku, tržišnu ekonomiju, jačanje konkurentnosti, kretanja kapitala, finansijsku kontrolu i statistiku.

Održana je rasprava o ostvarenom napretku na polju eksterne revizije, pri čemu je zamjenik Kolobarić izvijestio predstavnike Evropske komisije o najnovijim dešavanjima i prioritetima iz nadležnosti Ureda za reviziju institucija u Federaciji BiH.

Posebna pažnja posvećena je pitanju finansijske nezavisnosti Ureda za reviziju, realizaciji preporuka i odnosu sa Parlamentom FBiH i tužilaštvima.



Izvor: Bljesak info